





PL
2693
H8
1733
V.11









成裕堂繪像第六才子書卷之八

聖歎外書

續之四章題目正名

小琴童傳捷報

崔鶯鶯寄汗衫

鄭伯常乾捨命

張君瑞慶團圓

續之一

此續西廂記四篇不知出何人之手
聖歎本不欲更錄特恐海邊逐臭之
夫不忘羶薌猶混絃管因與明白指
出之且使天下後世學者觀之而益
悟前十六篇之獨天仙化人永非螺
螭蚌蛤之所得而暫近也者因而翻
卷更讀十百千萬遍遂愈得開所未
開入所未入此亦不可謂非續者之

與有其功也

人○卽○愛○好○何○至○向○西○施○顰○眉○人○卽○多○
財○何○至○向○龍○王○比○寶○人○卽○予○聖○何○至○
向○孔○子○徐○步○人○卽○慢○上○何○至○向○釋○迦○
牟○尼○呵○呵○大○笑○乃○今○世○間○又○偏○多○此○
一○輩○人○可○怪○也○

我○不○知○其○未○落○筆○前○如○何○忽○然○發○想○
欲○續○此○四○篇○我○又○不○知○其○旣○脫○稿○後○

如何放膽便敢舉以似人。我又不知
當時爲有人喪心病狂大讚譽之。因
而遂悞之。我又不知當時爲有人亦
曾微諷使藏過之。彼決不聽。因而遂
終出之。此四不知我今日將向何人
問耶。

昔有人自造一文且竟適有人傳來
云近日頗聞某甲亦造因便遲其稿

不敢此直候某甲造畢往請讀之不
覺吐舌稱歎歸竟自燒其稿不復更
傳嗚呼此豈非過量大人哉聖歎嘗
語斲山惜乎其文不傳此必與某甲
一樣妙絕斲山問何以知之聖歎言
此是甘苦疾徐中人渠所爭只在一
字半字之間也寄語普天下同學編
繅才子切須學如此
人此方是
大丈夫

嘗有狂生題半身美人圖其末句云
妙處不傳此不直無賴惡薄語彼殆
亦不解此語爲云何也夫所謂妙處
不傳云者正是獨得妙處之言也停
目良久睇之睇此妙處振筆迅疾取
之取此妙處累百千萬言曲曲寫之
曲曲寫而至於妙處日用一二言斗
然直逼之便逼此妙處然而又必云

不傳者蓋言賣却無數筆墨止爲妙處乃既至妙處卽筆墨都停夫筆墨都停處此正是我得意處然則後人欲尋我得意處則必須於我筆墨都停處也今相續之四篇便似意欲獨傳妙處夫意欲獨傳妙處則是只畫下半截美人也亦大可嘆已

此皆神而明之之言彼其烏知只如

章則無章法句則無句法字則無字
法卑卑如此等事猶尚不知奈何乎
言及其他哉

只如此篇寫鶯鶯竟忘其爲相國小
姐。於是於張生半年之別不勝嘖嘖
怨怒亦不解三年大比是何事亦不
解禮部放榜在何時亦不解探花及
第爲何等大喜亦不解未經除授應

如何候旨一味純是空牀難守淫啼
浪哭蓋佳人才子至此一齊掃地矣
最解功名事最重功名事乃至最心
熱功名事者固莫如相國小姐之甚
也

張生上云自去秋與小姐相別修經半
載托賴祖宗福蔭一舉及第目今聽候
御筆親除惟恐小姐望念特地修書一
封着琴童賁去報知夫人和小姐使知

小生得中以安其心書寫就了琴童何在童云有何分付張生云你將這封書星夜送到河中府去見小姐時說官人怕小姐擔憂特地先着小人送書來

仙呂賞花時張生唱相見時紅雨紛紛點綠苔別離後黃葉蕭蕭疑暮靄今日見梅開忽驚半載特地寄書來

琴童你報知了索得回書疾忙來者張

生下童云得了這書星夜往河中府走

一遭琴童下

鶯鶯引紅娘上云自張生上京恰早半

年到今杳無音信方得半年何便這些

時神思不安粧鏡慵臨腰肢瘦損茜裙

寬褪如許醜語使人焉耐好生煩惱人也呵

商調集賢賓雖離了眼前未成語也或云連下悶字若連

下悶字則更不通也悶却在我心上有不能離了

第一卷之三

心上又早眉頭豈不知其欲竊李靖照鏡

曲折之句耶而無奈練戾手忘了時依然

還又惡思量無了無休大都來一寸眉心

怎容得許多攢皺此是好句我不忍沒此亦尋常好句耳朕我

便不忍沒但有一點好新愁近來接着

舊愁厮浪了難分新舊舊愁豈非謂未成

橋夢二篇固亦嘗牽連言之然皆舊愁是

是脫卸之文不似此語之全絕也

太行山隱隱新愁是天塹水悠悠

似是一節矣因下文又不連又不斷
遂不復能定之

紅娘云小姐往常也曾不快將息便好

此指何日不似這番清減得十分利害也

逍遙樂曾經消瘦每遍猶閒這番最陡何

處忘憂獨上粧樓

這番最陡可謂出力翻起及至讀下只得如此

接手捲珠簾上玉鉤空目斷山明水秀珠玉

明秀等字皆隨手雜用

蒼烟迷樹衰草連天野渡橫

舟填此三語
算何文理

又似一節矣，我絕不解其是何文情，
蓋承上又不得，轉下又不得也。

紅娘我這衣裳，這些時都不是我穿的，
紅云小姐正是腰細不勝衣。衣寬帶鬆
語熟口臭

久矣此猶搖曳作
態出之真乃醜極

掛金索裙，染榴花睡損胭脂，皺鈕結丁香，
掩過芙蓉扣，線脫珍珠淚，濕香羅袖，楊柳

眉嬾人比黃花瘦

此亦欲算一節也、真可以有、可以無有也。○渠意豈謂疊用榴花丁香芙蓉楊柳黃花等字、便算絕妙好辭、一何可笑

琴童上云、俺奉官人言語、特賣書來與小姐、恰纔前廳上見了夫人、夫人好生歡喜、着人來見小姐、早至後堂、童咳嗽

第六才子書

續一

八

科紅云是誰

亦無此禮也。潭潭相府乃不傳雲板請小姐上堂而

使琴童自入去童則隔板咳嗽

而紅又早接應之肯醜極也

紅見童笑云你幾時來小姐正煩惱哩

語你自

來和官人同來

醜語童云官人得了官也

先着我送書來報喜紅云你只在這裡

等我謝小姐說了你入來

紅見鶯鶯笑云小姐喜也喜也張生得

了官了鶯鶯云這妮子見我悶呵特來

哄我語紅云琴童在門首見了夫从使

他入來見小姐鶯鶯云慚愧我也有盼

着他的日頭醜語醜極不可耐也童見鶯鶯科

鶯鶯云琴童你幾時離京師童云一月

來也我來時官人遊街耍子去了鶯鶯

云這禽獸不省得中了狀元喚做誇官

遊街三日

醜極亦有

童云小姐說得是

有書在此

金菊香早是我因他去後減了風流不爭

你寄得書來又與我添些證候說來的話

兒不應口是何話兒是誰說來提書在手

無語低頭書在手淚盈眸

此又一節也為別不及半年如此嘖

嘖怨愁乃至提書在手猶不解憂此

真是另從一副肺肝寫出來者也

醋葫蘆我這里開時和淚開他那里修時

和淚修多管是闌着筆見未寫淚先流寄
將來淚點兒兀自有我這新痕把舊痕湮
透此是好了我不相沒○既此欲用新這
痕舊痕則前更不得用新愁舊愁也
的是一重愁翻做兩重愁此句猶
湊不通

此又一節筆態翻翻如舞瀏澆如瀉
便可云與西廂無二

念書云張珙再拜奉書芳卿可人粧次
醜極使人不可暫注目伏自去秋拜違倏爾半哉

上賴祖宗之廕、下托賢妻之德、聰明中
鼎甲、目今寄跡招賢館、聽候除授、惟恐
夫人與賢妻憂念、特令琴童賣書馳報
小生、身遙心邇、恨不得鵲鵲比翼、蛩蛩
並驅、幸勿以重功名而薄恩情、深加謹
責、醜感荷良深、如許濶私、統容面悉、後
綴一絕、以奉清照、玉京仙府探花郎、寄
語蒲東窈窕娘、指日拜恩衣畫錦、是須

休作倚門粧

醜極不可暫注目

鶯鶯云慚愧探

花郎是第三名也呵

後當日向西廂月底潛今日在瓊林宴上

搗跳東牆脚兒占了鰲頭惜花心養成折

柱手脂粉叢裡包藏着錦繡從今後晚粧

樓改做至公樓

相國小姐何得口中自作爾語自奚落耶

此又一節渠意豈謂夾語映耀又是

絕妙好辭

問童云你喫飯不曾童云不曾喫鶯鶯

云紅娘你快去取飯與他喫醜極○怪道紅娘滿

身烟熏火辣氣也童云小人一壁喫飯小姐上

緊寫書官人分付小人索了同書快回

去哩鶯鶯云紅娘將紙筆來寫書畢科

鶯鶯云書寫了無可表意有汗衫一領

裏肚一條襪兒一雙瑤琴一張玉簪一

枝斑管一枚琴童收拾得好者紅娘取

十兩銀來與他做盤纏紅云張生做了

十兩銀來與他做盤纏。紅云：張生做了官，豈無這幾件東西？語寄與他有甚緣故？鶯鶯云：你怎麼知得我心中事？聽我說與你者。

梧葉見這汗衫，若是和衣臥，便是和我一處宿，貼着他皮肉，不信不想我溫柔。這裏肚兒常不要離了前後，守着左右繫在心頭。這襪兒拘管他胡行亂走。此三語好後庭花。

第六十二
這琴當初五言詩緊趁逐後來七絃琴成

配偶

醒

他怎肯冷落詩中意我只怕生

疎了絃上手這玉箏兒我須有緣由他如

今功爲成就只怕撇人在腦背後

醒

這斑

管兒湘江兩岸秋當日娥自因處舜愁今

日鶯鶯爲君瑞憂這九疑山下竹共香羅

衫袖口青哥兒都一痕啼痕湮透並淚斑

宛然依舊萬種情緣一樣愁涕淚交流怨

慕難收

此稍可

對學士叮嚀說緣由是必休

忘舊醜

琴童云理會得

此節雖不佳然自是一節○但不審

其何故不一讀雪裡梅揭鉢子登字

玉臺三曲耶

琴童這東西收拾得好者

醋葫蘆你逐宵野店上宿休將包袱做枕

第六十回

頭怕怕脂沾汚急難綢繆或水浸雨濕休
便扭只怕乾時節熨不開摺皺一棹棹一
件件細收留

此節却好猶彷彿緒煞一曲故也

金菊香書封底足此時修情繫人心早晚

休竟是一字不通語長安望來天際頭倚遍西樓

人不見水空流隨手雜湊爲文

此又一節可以無有

童云小人拜辭了小姐即便去也。鶯鶯云。琴童你去見官人對他說。極。童云。又說甚麼。

浪裡來煞他那里爲我愁我這里因他瘦。

臨行掇賺人的巧舌頭。承上二句忽作他

歸期約定九月九已過了小春時候。別時

黃葉西風北鴈則正九月後耳今適得半年又無經年累歲之久忽言有重九歸期此是夢語是鬼語耶奈何至於此。到如今悔教夫壻覓封

角六十二
侯

此又一節特地再囑琴童乃是如許
語不足發一笑也○常歎街談巷說
童歌婦唱一經妙手點定便成絕代
至文任是堯典舜典周南召南忽遭
俗筆橫空竟如溷中不淨只知王龍
標悔教夫婿覓封侯詩其妙則在
第一句不知字第三句忽見字非妙於

第四落句也。蓋其通首所有閨中
字。少婦。少字。凝粧。凝字。全副。皆是寫
不知神理。而又別用看日上樓柳色
等字。全副。又寫忽見神理。此分明欲
於一頃刻中寫得此婦實是幽閒貞
靜。忽地觸緒動情。所謂國風好色不
淫。其體有如此也。今遭此人獨用其
落句。遂令妙詩一敗塗地。至於此極。

真使我恨恨無已也

童云得了回書星夜回話去琴童下鶯
鶯紅娘下

續之二

前篇云多管鬧着筆兒未寫淚先流
寄將來淚點兒兀自有此篇又云寫
時管情淚如絲既不沙怎生淚點兒
封皮上漬前篇云這汗衫若是和衣

臥這裏肚這襪這琴這玉簪這斑管
逐件云云此篇又云這汗衫怎不教
張郎愛爾這琴這玉簪這斑管這裏
肚這襪亦逐件云云前篇云你逐宵
野店上宿休將包袱做枕頭此篇又
云書房中顛倒個藤箱子休教藤刺
兒抓住綿絲文雖二篇語只一副真
如犬之牢牢雞之角角欲求少換決

不可得也嗟乎本無捉縛枷杓何煩
頭刺膠盆固知無邊苦海中具有無
量苦事盡是無知苦人自作出來極
不足相惜耳

看他才地窘縮都無抽展處於是無
如何忽然將鶯鶯字畫之妙喝采一
通夫前此張崔月餘相處不成純是
淫嬲曾未嘗一請觀筆墨耶真大無

聊已

張生上云小生滿望除授後便可出京、
不想奉聖旨着在翰林院編修國史、誰
知我的心事甚麼文章做得成、琴童去
了、又不見回來、這幾日睡臥不安、飲食
無味、給假在郵亭中將息、早間太醫院
差醫士來看視下藥、我這病便是盧扁
也醫不得、自離了小姐、無一日心寬也

呵

中呂粉蝶兒從到京師思量心旦夕如是
向心頭橫倘着我那鶯兒却是請醫師看
診罷星星說是本意待推辭早被他察虛
實不須看視醉春風他道是醫雜證有方
術治相思無藥餌小姐呵你若知我害相
思我甘心兒爲你死死曲曲折折淋漓淋漓
四海無家一身客寄半年將至

此一節真是妙文便與西廂更不可

辨若盡如是我
敢不拜哉

琴童上云俺回來問說官人在驛中抱
病須索送回書去咱見張生科張生云
琴童你回來也

迎仙客噪花枝靈鵲兒垂簾幕喜蛛兒短
檠夜來燈爆時若不是斷腸詞定是斷腸
詩寫時管情淚如絲既不沙怎生淚點兒

封皮上漬

此一節初咬是沙糖再咬是矢櫛矣

念書云薄命女崔氏

醜

拜覆君瑞才郎

文几

醜

別逾半載矣當三秋思慕之心

未嘗少怠昔云日近長安遠妾今信斯

言矣

醜

琴童至接來書知君置身青雲

且悉佳况得君如此妾復何言

醜

琴童

促回無以達意聊具瑤琴一張

醜

看一

校斑管一枚裏肚一條汗衫一領絹襪
一雙物雖微鄙願君詳納春風多厲千
萬珍重復依來韻敬和一絕和韻是一
部大節目
何得又關千倚過盼才郎莫戀宸京黃
犯之
四娘黃四娘爲誰哉何幸而遇
杜工部何不幸而遇此人病裏得
書知及第窗前覽鏡試新粧醜至於鬼
止矣世間
更有醜於鬼者臭至於局止矣世間更
有臭於局者不通至於續西廂止矣偏
又有此兩首我那風流的小姐似這等
詩怪哉怪哉

女子張珙死也死得着了

上小樓堪爲字史當爲欸識有柳骨顏筋

張旭張顛羲之獻之此一時彼一時雜湊如此

佳人才思儻儻世間無二後俺做經咒

般持符錄般使高似金章重似金帛貴似

金貴雜湊此這上面若僉個押字使個令

史差個勾使是一張不及印赴期的咨示

此一節忽賞其字體真乃無謂○後

闕亦是元人套語

看汗衫科云休說文字只看他這汗衫
滿庭芳怎不教張郎愛爾堪與針工出色
女教爲師幾千般用意般般是可索尋思
長共短又無個樣子窄和寬想像着腰肢
好二語無人試想當初做時用煞小心兒

此猶可

小姐寄來幾件東西都有緣故一件件

我猜着

白鶴子這琴教我閉門學禁指留意譜聲

詩調養聖賢心洗蕩巢由耳

不通

二煞這玉簪纖長如竹笋細白似葱枝溫

潤有清香瑩潔無瑕疵

不通

三煞這斑管霜枝棲鳳凰淚點漬胭脂當

時舜帝勸娥皇今日淑女思君子

不通

四煞這裏肚手中一葉綿燈下幾回絲表
出腹中愁果稱心間事

不通

五煞這襪兒針脚如蟣子絹片似驚脂既
知禮不胡行願足下常如此

不通上特寫張生云我都猜着乃其

所猜也只如此可醜也

琴童你臨行小姐對你說甚麼重云着
官人是必不可別繼良緣張生云小姐
你尚然不知我的心哩

快活三 冷清清客店兒風淅淅雨絲絲雨
零風細夢回時多少傷心事朝天子四肢
不能動止急切盼不到蒲東寺小夫人須
是你見時別有甚閒傳示我是個浪子官

人風流學士怎肯帶殘花折舊枝。自從到此甚的是閒街市。此句好絕賀聖朝。小甚宰相人家招壻嬌姿。其間或有個人兒似商那里取那樣溫柔。這般才思。此句好絕想鶯鶯意兒。怎不教人夢想眠思。

此節乃可

耍孩兒。只在畫房中顛倒個藤椅子。向裏面鋪幾張兒紙。放時須索用心思。休教藤

刺兒抓住綿絲高攤在衣架上怕風吹了
顏色亂穰在包袱中怕挫了褶兒當如是
切須愛護勿得因而情與前文休做枕休
便扭同耳固是佳文
也可賞

此節於諸寄來物中獨加意汗衫餘
俱不掛曰何故

二煞恰新婚纔燕爾爲功名來到此長安
憶念蒲東寺昨宵個春風桃李花開夜今

日個秋雨梧桐葉落時，愁如是，身遙心邈。
坐想行思，

此節專爲欲填春風桃李，秋雨梧桐。

二語耳，真乃可以無有。

且春風二語，我竟不知其

如何

填也

三煞：這天高地厚，情到海枯石爛時，此時

作念何時止？直到燭灰眼下，纔無淚。鬢老
心中罷却思，不比輕薄子，拋夫妻，琴瑟拆。

鸞鳳雄雌

此節專爲欲填燭灰無淚蠶老休思
二語耳真乃可以無有

四煞不聞黃犬音難傳紅葉詩路長不過

梅花使

適差琴童迷書回乃又作此言鬼語耶抑夢語耶

孤身作

客三千里一日思歸十二時凭闌視聽江

聲浩蕩看山色參差

既分聽看則上押凭闌之視字何解

此節專爲欲填作客三千思歸十二

二語耳。真乃可以無有。○凡用古。必
須我自浩蕩獨行。而古語忽來奔赴。
腕下斯方。謂之如從舌上吮而吐之。
耳。若先有成句。隱隱然梗起於胸中。
而我從而補接攢簇之。此真第一苦
海也。

煞尾。憂則憂我病中。喜則喜你來到此投。
至得引人魂。卓氏音書至險。將這害鬼病。

的相如盼壁死

此亦無聊之結也。○細思無此二回。亦有何害。一通報書去。一通答書來。乾討琴意氣噓噓地。而於彼張崔兩人。乃更不會增得一毫顏色。世間做筆墨匠。做成筆墨。却只與人如此用。真老大冤苦也。

諺云投鼠者忌器。蓋言世之極可厭惡無甚於鼠而無奈旁有寶器則雖一時刺眼刺心之極而亦只得忍而不投何則誠懼其或傷吾器也。今如鶯鶯真古今以來人人心頭之無價寶器也。若鄭桓則固人人厭之惡之一惡物也。今也務必投之投之務必令之立死此亦誠爲快事。然筆則

累筆墨則累墨。獨不足惜乎哉。況於
累筆墨其奚足道。細思當其時則又
安得不累及於營營哉。嗟乎。惡鄭恒
而至於不免累及於營營。而竟不與之
惜。此人之無胸無心。其疾入地獄不
可懺悔。又豈不信乎。

吾亡友邵僧彌先生嘗論畫云。夫天
生惡樹。我特不得盡斬伐之耳。若飯

後無事而携我門人晚涼閒步則必
選彼嘉樹坐立其下焉無他亦人之
好美嫉醜誠天性則有然也今我乃
見作畫之家純畫臃腫惡樹此則不
知其何理也聖歎聞之擊節曰人誠
生而厲風則誠天爲之也甚可徐步
雅言持身如玉而又必脅肩醜笑囚
首鬼面此真不知其何理也惟文亦

然不幸身爲盜賊被捉勒供與夫忽
丁大故計告親族則是不可奈何也
幸而窓明几淨硯精筆良而又不擇
取妙題抒寫佳製而顧惡罵醜言如
土塗集此真不知其何理也

只如鄭恒此亦不過夫人賴婚偶借
爲辭耳今必欲真有其人出頭尋開
此爲是點染營營爲是發揮張生耶

